

**Ўзбекистонда карантин муносабати билан ЯНГИ ТАҚИҚЛАР ўрнатилди**

нафақат вилоятдан вилоятга, балки шаҳар ва туманлар ўртасида ҳам транспорт ҳаракати чекланди

фуқароларга зарур бўлмаганда уйдан ташқарига чиқиш чекланди

фуқаролар ўзаро мулоқот чоғида 2 метр масофа сақлаши шарт

кўчада ва жамоат жойларида 3 кишидан ортиқ одамларнинг тўпланиши тақиқланади

**Уйда қолинг!**

Вилоят ижтимоий-сиёсий газетаси

2020 йил  
28 март

ШАНБА  
№ 26 (13287)

@haqiqatonline

# ТОШКЕНТ ҲАҚИҚАТИ

1928 йил 11 декабрда асос солинган

## Иккинчи жаҳон урушида қозонилган ғалабанинг 75 йиллиги олдидан

**Наврўз байрами арафасида вилоятимизда кексаллик ғашитини сураётган 9 нафар уруш фахрийси Беларус Республикаси Президентини Александр Лукашенко Фармони билан таъсис этилган "Беларуснинг фашист босқинчиларидан озод қилинишига 75 йил" медалига сазовор бўлиши.**

## ПИСКЕНТЛИК ОТАХОНГА МАКТУБ КЕЛДИ

"75 йилдирки, Беларус халқи тинч осмон остида яшамоқда. Бу оловли уруш йилларида босқинчиларга қарши ўз жонини ўйламай фидокорона кураш олиб борган қаҳрамон жангчилар туфайли... Азиз ветеранлар! Сизга мухтажам соғлиқ, барча яхшиликлар ёр бўлсин!  
Чуқур ҳурмат билан Беларус Республикаси Президентини А. Лукашенко"



Тошкент вилояти, Пискент туманида умргузаронлик қилаётган Сирожон ота Саидмаҳмудовга Беларус Республикаси Президентини Александр Лукашенкодан келган мактубда ана шундай миннатдорчилик сўзлари қайд этилган.  
Отaxon хатта термулганча, узок ўйга толади. Назаримда, ўша лаҳзалар отaxonнинг кўз ўнгидан бундан 75-80 йиллар аввалги хотиралар – оловли уруш йиллари, қон кечиб ўтган ёшлиги, Беларуснинг Мелинск ва Смоленск шаҳарлари ҳимояси учун жангларда кечган воқеалар тафсилоти кино тасмасидек бирма-бир ўтди.  
Сирожон ота Саидмаҳмудов 1942 йилнинг сентябрь ойида Беларуснинг Мелинск шаҳрига ҳарбий хизматга қабул қилди. Қарийб 100 ёшни қаршилаётган отaxon ўша пайтлар айни навирон, 18 ёшли йигит эди.  
– Мелинскда 5 ой ҳарбий санъатдан сабоқ бериб, урушга тайёрлашди, – хотирлайди отaxon. – Ўша пайтлар жуда қаттиқ совуқ эди. Ёгаётган қор бел баробар бўлишига қарамай, тайёргарлик ўта кучли эди. Бир соат дам олиб, яна тайёргарлик давом этарди. Ҳарбий тайёргарликдан сўнг бизни Смоленск шаҳри мудофасига юборишди. Бир жангда оёғимдан яраландим. 4 ой Москвада даволаниб, яна

фронгга қайтдим. Беларус, сўнгра Украинада ўтган қонли жангларда катнашдим. Ушанда оёғим иккинчи марта яраланди. Сочида даволаниб, яна урушга қайтдим.  
Отaxonнинг эслашича, улар 1945 йилда Германиягача кириб борган. Ғалабага эришиб, яна 4 ой ўша ерда хизмат қилган.  
– Урушдан қайтганимдан кейин хўжаликда оддий ишчи бўлиб ишлаш бошладим. Оила қуриб, тўрт ўғил, бир қизни вояга етказдик. Ҳамма-ҳаммаси аввало тинчлик, сабр-қаноат, ҳалол меҳнат туфайли албатта. Яна бир узок йиллик орзуим бўларди – ҳаж сафари. Яратганга минг шукр, мана шундай замон шарофати билан ушбу орзуим ҳам ушалди.  
Узаро меҳр-оқибат, хайр-саховат, шарқона янги йил айёми – Наврўз байрами арафасида туман ҳокимлиги ва бошқа ташкилот масъуллари Сирожон ота Саидмаҳмудов хонадонига таширф буюриб, Иккинчи жаҳон урушида қозонилган ғалабанинг 75 йиллиги муносабати билан отaxonга Беларус Республикаси Президентининг миннатдорчилиги билан сўзлари битилган мактуби ва медални тантанали топширдим.  
Авазбек ХУДОЙҚУЛОВ,  
ЎЗА

## КОРОНАВИРУСНИ БИРГАЛИКДА ЕНГАМИЗ!

## Бугуннинг юмушлари



# ДЕҲҚОНКИ ДОНА СОЧАР, ҲАЁТ ЭСА ДАВОМ ЭТАР...

**Ш**ундай. Баҳорнинг жаннатий шулу чечаклари ифорини таратаётган насимлар, илиқ жонбахш ҳаво – гўзал фаслнинг айни фараҳбахш онларида ҳақиқий деҳқону миришкорни даладан топасиз. Ҳазрат Навоий бобомиз уларни бежиз "ризқ йўлини очувчилар" деб улуғламаганда.

## 20 800 ўринли махсус шифохона фойдаланишга топширилади

Хавфсиз карантин

**К**арантинга олинган фуқароларни сақлаш учун вилоятимиз ҳудудида махсус шифохона қурилмоқда. 55 гектар ҳудудда барпо этилаётган шифохонада 3 минг 467 та контейнер ўрнатилади. Барча қулайликларга эга контейнерлар 4 нафардан 8 нафаргача бемор учун мўлжалланмоқда.

Махсус шифохонада чартер рейсларда хорижий мамлакатлардан олиб келинадиган ўзбекистонлик фуқаролар карантинда сақланади. Шифохонани санокли иш кунда барпо этиш кўзда тутилган. Айни пайтда қурилиш объектида 45 та бригада 1 минг 100 нафардан зиёд курувчи, 100 дан ортиқ оғир техника ишляпти. Махсус изоляция хоналари барча тиббиёт ва санитария-гигиена воситалари билан жиҳозланган. Шунингдек, мажмуада ошхона, лаборатория ва хўжалик қисмларини қуриш ишлари ҳам жадал суръатларда олиб борилмоқда.

Мазкур шифохонада тиббиёт ходимлари учун тураржойлар, реанимация бўлимлари ва махсус хоналар ҳам барпо этилади. Контейнерлар электр энергияси, иссиқ ва совуқ сув ҳамда коммуникация тармоқларига уланади.

**3**АНГИОТА туманида ҳам яна бир шифохона қурилиши жадаллик билан бошлаб юборилди. Касалхона биносининг лойиҳаси 3 кунда тайёр бўлди. Қурилиш вазирининг маълум қилишича, иккита катта клиника босқинча-босқин қуриб битказилади, бу борада Хитой тажрибаси ўрганилди.

24 соат давом этаётган қурилиш жараёни давомида ишчиларнинг хавфсизлиги тула таъминланган, уларнинг саломатликлари доимий назорат остида.



## ВИЛОЯТ БЎЙЛАБ

**В**илоят ҳокими ҚИБРАЙ туманида қад ростлаган янги оилавий поликлиникага таширф буюриб, бу ерда беморлар учун яратилган шароитлар билан яқиндан танишди. Муассаса замонавий тиббиёт анжумлари ва жиҳозлар билан таъминлангани билан эътиборга лойиқ.  
Шунингдек, туманда қуриб битказилган янги мактабгача таълим ташкилоти замонавий жиҳозлар, болалар майдончаси, фойдали ўйинчоқлар, маънавий бурчаги, мусика хонаси, ошхона ва ювенил хоналари билан хориж боғчаларидан асло қолишмайди. Карантин мuddати якунига етгач, янги МТТ болажонларни ўз бағрига олади.

**Б**ўКА туманида 8-сонли мактабгача таълим ташкилотининг янги биноси қуриб битказилди.

Жорий йилги инвестиция дастури асосида мазкур муассаса учун 3 миллиард сўм ажратилиб, болажонлар учун 210 ўринли янги бино қурилди. Бинодаги ҳар бир хона дизайни болажонларнинг актив ривожланишига ёрдам беришга мўлжалланган.

**Ш**у кунларда вилоятимизда шайрилик бир ишга қўл урилди. БўКА, ТОШКЕНТ, ОҲАНГАРОН, ПАРКЕНТ туманларида "Ҳар бир ёшга – бир гектар" акцияси бошланди.

Ишсиз юрган йигит-қизларнинг ҳар бирига 20 сотихдан бир гектаргача ер ажратилиб, уларга мевали дарахтларнинг кўчатларини экишга ёрдам бериляпти. Ҳозиргача 315 нафар ёшга 152,5 гектар ер ажратиб берилди. Демак, шу кунгача 315 нафар йигит-қиз иш билан таъминланди.

**Т**ошкент вилояти Жисмоний тарбия ва спорт бошқармаси тизимидаги спорт мактаблари ўқувчилари уй шароитида индивидуал шугулланишмоқда.

Жумладан, вилоятимиз чемпиони ёшлари: "Биз соғлигимиз учун уйда машғулот қилдик. Сиз биз учун ўзингизни асранг!" хэштеги остида ҳаваскор ва профессионал спортчиларни уйда шугулланишга қақришмоқда.

## ЗАРУР ЧОРАЛАР КЎРИЛМОҚДА

Бугун каттао кичикнинг ўй-хаёли коронавирус касаллигидан ҳимояланиш, уни бартараф этишда.

**Бахтиёр БОЛТАБОВ,**  
Тошкент вилояти Санитария-эпидемиология осойишталик маркази бош шифокори

**Х**озирда карантинга олинган фуқаролар жойлашган масканларда уларнинг соғлиқларини назорат қилиш учун 45 нафар юқумли касалликлар шифокори, 40 нафар ўрта тиббиёт ходими, 60 нафар эпидемиолог ва дезинфекция ишларини амал

Авал хабар қилганимиздек, вилоятимиз ҳудудида жойлашган бир қатор санаторий ва болалар ёзги оромгоҳлари карантинга олинганлар учун ажратилган. Хусусан, Қибрай туманидаги "Бўстон" ва "Энергетик", Зангиота туманидаги "Назарбек" сиаҳатгоҳлари, шунингдек, Бўстонлик туманидаги "Сокол", "Чотқол", "Ёшлик" ёзги соғломлаштириш оромгоҳларида карантиндаги фуқаролар сақланмоқда.

га оширувчи шифокорлар иш олиб бормоқда.  
Шунингдек, вилоят Санитария-эпидемиология осойишталик маркази ҳамда унинг ҳудудий бўлимлари томонидан аҳоли ўртасида коронавирус инфекцияси тарқалишининг олдини олиш бўйича зарур профилактика чоралари кўрилмоқда. Шу мақсадда 66 та дезинфекция гуруҳлари ташкил этилган бўлиб, уларга бириктирилган 170 дан ортиқ ходим жойларда дезинфекция ишларини олиб боришмоқда.







